

### 0.0.1 uddakasuttam

1. uddako<sup>1</sup> sudam bhikkhave rāmaputto evaṃ vācam bhāsati.

idaṃ jātu vedagu,  
idaṃ jātu sabbajī;<sup>2</sup>  
idaṃ jātu apalikhataṃ<sup>3</sup>  
gaṇḍamūlaṃ palikhaṇi'nti.

2. taṃ kho panetaṃ bhikkhave uddako rāmaputto  
avedagūyeva samāno vedagū'smīti bhāsati, asabbajī-  
yeva samāno sabbajī'smīti bhāsati, apalikhataṃ yeva<sup>4</sup>  
gaṇḍamūlaṃ palikhataṃyeva gaṇḍamūla'nti bhāsati.

3. idha kho taṃ bhikkhave bhikkhu sammāvadamaṇo  
vadeyya.

idaṃ jātu vedagu,  
idaṃ jātu sabbajī;  
idaṃ jātu apalikhataṃ,  
gaṇḍamūlaṃ palikhaṇi'nti.

4. kathaṇca bhikkhave bhikkhu vedagu hoti? yato  
kho bhikkhave bhikkhu channaṃ phassāyatanānaṃ

---

<sup>1</sup>udako - machasaṃ, syā.

pts page 083

<sup>2</sup>pabbaji - syā.

<sup>3</sup>apalikhataṃ - sī 2.

<sup>4</sup>atha - syā.

samudayañca atthagamañca assādañca ādīnavañca nis-saraṇaṇca yathābhūtaṃ pajānāti, evaṃ kho bhikkhave bhikkhu vedagu hoti.

5. kathañca bhikkhave bhikkhu sabbajī hoti? yato kho bhikkhave bhikkhu channaṃ phassāyatanānaṃ samudayañca atthagamañca assādañca ādīnavañca nis-saraṇaṇca yathābhūtaṃ veditvā anupādāya vimutto hoti. evaṃ kho bhikkhave bhikkhu sabbajī hoti.

6. kathañca bhikkhave bhikkhu no apalikhatam gaṇḍamūlaṃ palikhatam hoti? gaṇḍo'ti kho bhikkhave imassetam cātummahābhutikassa kāyassa adhivacanaṃ mātāpettikasambhavassa odanakummāsūpacayassa aniccucchādana parimaddana bhedana viddhamṣana-dhammassa. gaṇḍamūla'nti kho bhikkhave taṇhāyetaṃ adhivacanaṃ. yato kho bhikkhave, bhikkhuno taṇhā pahīnā hoti<sup>5</sup> ucchinnamūlā tālāvatthukatā ana-bhāvakatā āyatim anuppādadhammā. evaṃ kho bhikkhave bhikkhuno apalikhatam gaṇḍamūlaṃ palikhatam hoti.

7. uddako sudaṃ bhikkhave, rāmaputto evaṃ vācaṃ bhāsati;

idaṃ jātu vedagu,

idaṃ jātu sabbajī;  
 idaṃ jātu apalikhataṃ,  
 gaṇḍamūlaṃ palikhaṇi'nti.

8. taṃ kho panetaṃ bhikkhave, uddako rāmaputto  
 avedagūyeva samāno vedagū'smīti bhāsatī. asabbaji-  
 yeva samāno sabbajī'smīti bhāsatī. apalikhataṃyeva  
 gaṇḍamūlaṃ palikhataṃyeva gaṇḍamūla'nti bhāsatī.

9. idha kho taṃ bhikkhave, bhikkhu sammāvadamaṇo  
 vadeyya:

idaṃ jātu vedagu,  
 idaṃ jātu sabbajī;  
 idaṃ jātu apalikhataṃ,  
 gaṇḍamūlaṃ palikhaṇi'nti.